

Ժողովուրդ

85
(2751)

15 հունիսի հինգշաբթի 2023
տպագրության ԺԲ տարի

✉ ք. Երևան, Արմավյան 22ա/3 (0010)

☎ + 374 10 546423

@ info.armlur@gmail.com, info.zhoghovurd@gmail.com

100 դրամ

ԱԼԻԵՎԻ ԾԱՎԱԼԱՊԱՇՏԱԿԱՆ ԳՈՐԾԻՔԸ



Ադրբեջանը ՀՀ-ին ստիպում է սահմանազատում, բայց ինքը ոչ մի երկրի հետ չի արել դա: 2021 թվականի մայիսի 12-ից, երբ ադրբեջանական զինված ուժերի զինծառայողները ապօրինի ներխուժեցին Հայաստանի ինքնիշխան տարածք, Հայաստանի և Ադրբեջանի միջև սահմանազատման և սահմանագծման գործընթացի հարցը առաջին պլան մղվեց: Հայաստանը հարեան որեւէ երկրի հետ սահմանների դեմարկացիա և դելիմիտացիա չի իրականացրել, թեև Իրանի, Վրաստանի և Թուրքիայի հետ տարածքային խնդիրներ չկան: Արեւելյան կողմից հարեան Ադրբեջանը, օգտվելով այն հանգամանքից, որ Հայաստանի և Ադրբեջանի միջև սահմանազատում և սահմանագծում իրականացված չէ, գրեթե ամեն օր տարածքային նոր պահանջներ է ներկայացնում Հայաստանին: Ադրբեջանի բռնատիրական նախագահն էլ, կեղծ քարտեզներ վկայակոչելով, սպառնում է, թե Հայաստանը պետք է դեմարկացիան և դելիմիտացիան իրականացնի իրենց իսկ թելադրած պայմաններով, այն է՝ պետք է բացվի դեպի Նախիջեան տանող ճանապարհը, երկրորդ՝ Լեռնային Ղարաբաղում չպետք է լինեն Հայաստանի զինված ստորաբաժանումներ, արցախցիները պետք է ստանան ադրբեջանական անձնագրեր: «Ժողովուրդ» օրաթերթը ադրբեջանագետ, պատմական գիտությունների թեկնածու Տաթևիկ Հայրապետյանից հետաքրքրվեց՝ արդյոք Ադրբեջանն իր հարեան մյուս երկրների հետ դեմարկացիա իրականացրել է, որ հիմա փորձում է ճնշումներ գործադրել Հայաստանի վրա: Փորձագետը մեզ հետ զրույցում պարզաբանեց՝ Ադրբեջանը չունի դելիմիտացված սահման իր հարեան երկրների՝ Վրաստանի և Ռուսաստանի հետ, ընդ որում՝ Վրաստանի հետ լուրջ հակասություններ կան այդ առումով: Ինչ վերաբերում է Իրանի հետ սահմանին, ապա դրանք սահմանազատվել են՝ խորհրդային քարտեզների համաձայն, բայց Իրանի հետ էլ կան խնդիրներ՝ Կասպից ծովի բաժանման, ռեսուրսների վերահսկման առումով, ուստի այդտեղ էլ առկա են լուրջ հակասություններ: Իսկ ինչու՞ է սպառնում Հայաստանին՝ ստիպելով իր իսկ պայմաններով դելիմիտացիա իրականացնել. «Ադրբեջանական կողմը, չունենալով դելիմիտացված սահման իր հարեանների հետ, հսկայական ճնշում է գործադրում Հայաստանի վրա, որովհետև Հայաստանի հետ կապված հստակ ծավալապաշտական նկրտումներ ունի: Օրեր առաջ էլ Ադրբեջանի նախագահը խոստովանեց, որ իրենք միջազգային իրավունքը չեն հարգում, գերական ուժն է իրենց համար, և ուժով պետք է խնդիրները լուծեն, իսկ մնացածը լիրիկական գեղումներ են: Բնականաբար, իրենք բանակցում են, այդ գործընթացներն օգտագործում են իրենց դիրքերն ամրապնդելու համար, բայց հետո գնում են նորանոր էսկալացիաների»:

Հավելենք, որ արդեն երկու օր է, ինչ Երասխի հատվածում ժամերով կրակահերթ է արձակում Ադրբեջանը:

«Ժողովուրդ» օրաթերթը գրել է, որ հունիսի 16-ին, 17-ին ԶՊ-ականները քաղաքական ժողով են անելու Դիլիջանում՝ Նիկոլ Փաշինյանի գլխավորությամբ: Երկարատե բանակցություններից հետո ԶՊ-ականները երկուշաբթի օրը տեղի ունեցած վարչության նիստում Նիկոլ Փաշինյանի հետ հստակեցրել են քաղաքական ժողովի օրակարգը: Այսպիսով, ԶՊ-ական մեր աղբյուրներից տեղեկացանք, որ քաղաքական ժողովի օրակարգում հիմնականում լինելու են ավագանու ընտրությունների մասնակցության հետ կապված հարցերը: Բանն այն է, որ ԶՊ-ականները գրեթե կասկած չունեն, որ իրենց թեկնածուն՝ Տիգրան Ավինյանը, հաղթելու է, բայց, մյուս կողմից, իշխանականներն իրենց առջև նպատակ են դրել գոնե ֆորմալ մրցակցային ֆոն ապահովել Ավինյանի համար, որպեսզի, նախ, միջազգային հանրությունը հերթական զեկույցը չգրի իրենց ոչ ժողովրդավար լինելու մասով, ապա ընդդիմությանը խոսելու առիթ չտան, թե ոչ հավասար պայմաններում են անցել ընտրությունները: ԶՊ քաղաքական ժողովի օրակարգում լինելու են կուսակցության մարտավարության, մարզային կառույցների գործունեության հետ կապված հարցերը: Անվտանգային հարցերը նույնպես լինելու են քաղաքական ժողովի օրակարգում, բայց ինչպես ԶՊ-ական մեր աղբյուրները փոխանցեցին, առաջնային լինելու են քաղաքական և ներկուսակցական հարցերը: Ինչպես մեզ փոխանցեցին, նաև քաղաքական ժողովի հրավիրյալների ցանկը դեռ վերջնական հստակեցված չէ. դրա շուրջ դեռ քննարկումներ են գնում:



Ռուսաստանի Դաշնության վարքը մշտապես քննադատող ՀՀ իշխանությունները շարունակում են այդ երկրի հետ հարաբերություններն առաջնահերթ համարել: «Ժողովուրդ» օրաթերթը, ուսումնասիրելով ՀՀ կառավարության ծրագրի (2021-2026) և 2022 թվականի կատարման ընթացքի ու արդյունքների մասին զեկույցը, տեղեկացավ, որ արտաքին քաղաքականության բլոկում ամենամեծ հատվածը նվիրված է հենց հայ-ռուսական հարաբերություններին: Այն ներկայացված է հենց սկզբում՝ երեք էջի սահմաններում: Եվ սա՛ այն դեպքում, երբ, օրինակ, Հայաստան-ԱՄՆ, Հայաստան-Ֆրանսիա հարաբերություններին գրեթե մեկ էջ է հատկացված: Ամենաուշագրավն էլ այն է, որ Հայաստան-Չինաստան հարաբերությունները ներկայացված են ընդամենը ութ նախադասությամբ: Հարաբերությունների նկարագրության քանակով մեծ է նաև Թուրքիայի հատվածը: Հավելենք, որ ԵՊՀ-ում էլ հունիսի 13-ին մեկնարկել է հայ-ռուսական գիտակրթական ֆորումը, որի կազմակերպման և անցկացման համար Կրթության, գիտության, մշակույթի և սպորտի նախարարությունը մոտ 23 միլիոն դրամ է տրամադրել Երևանի պետական համալսարանին: Այս ֆորումի համար 100 անձ է ՌԴ-ից ժամանել: Այս ամենի ֆոնին ՀՀ իշխանությունները մշտապես դժգոհում են:



Սանկույթյան դատարանի դատավոր Սամվել Թադևոսյանի կողմից երեկ ներկայացված ազատման դիմումը խորը արմատներ ունի: Բանն այն է, որ ԲԴԽ-ն քաղաքացիական և սնանկության դատարանի 4 դատավորների նկատմամբ կարգապահական վարույթներ է հարուցել, ու, ըստ դատական համակարգում տարածված լուրերի, լավ օրեր չեն սպասվում այն դատավորներին, որոնց մասով էլ հարուցվել են կարգապահական վարույթները: Այդ դատավորներից մեկը Սամվել Թադևոսյանն է, որի մասով հարուցվել է կարգապահական վարույթ, ու, ըստ էության, նա չսպասեց ԲԴԽ-ի՝ հունիսի 19-ի նիստին և հետագա քննության որոշմանը ու մեկ քայլ առաջ անելով՝ լքեց դատական համակարգը: Նշենք, որ Թադևոսյանի հրաժարականի մասին հայտնեց Դատական դեպարտամենտը՝ հայտնելով, որ հրաժարականի դիմումը օրենքով սահմանված կարգով քննարկվել է Խորհրդի կողմից, և համապատասխան որոշմամբ դատավոր Ս. Թադևոսյանի լիազորությունները համարվել են դադարած: Իսկ ովքե՞ր են այն դատավորները, որոնց մասով են ԲԴԽ-ն հարուցել է կարգապահական վարույթներ, ու հունիսի 19-ին այդ առիթով առաջին նիստն է: Սամվել Թադևոսյանից բացի, թիրախում քաղաքացիական դատարանի դատավոր Աստղիկ Խառատյանն է, իսկ մյուս երկու դատավորները՝ Վճռաբեկ դատարանի քաղաքացիական պալատի դատավորներ Տիգրան Պետրոսյանն ու Արտակ Բարսեղյանն են: Հիշեցնենք՝ Եվրոպական դատավորների միությունը օրերս բավականին կոշտ հայտարարություն էր տարածել Հայաստանի դատավորների նկատմամբ հարուցված կարգապահական գործընթացների մասով՝ դրանք համարելով ճնշում անկախ դատական համակարգի վրա:



ԱՐՁԱԳԱՆՔ

ԽԱՂԱՂՈՒԹՅԱՆ ՊԱՅՄԱՆԱԳԻՐԸ՝ ՕՐԱԿԱՐԳ

Հայասանը եւ Ադրբեջանը սեական ժամանակ է՝ բանակցություններ են վարում խաղաղության դաշմանագրի ցուր:

«Ժողովուրդ» օրաթերթի հետ գրույցում ԱԺ արտաքին հարաբերությունների մշտական հանձնաժողովի նախագահ Սարգիս Խանդանյանն ասում է՝ խաղաղության պայմանագրի որոշ դրույթների շուրջ համաձայնություններ կան, բայց կան նաեւ սկզբունքային դիրքոշունքներ, որոնց շուրջ կողմերը չեն կարողանում ընդհանուր հայտարարի գալ:

-Պարոն Խանդանյան, արդեն տեսական ժամանակ է՝ Հայաստանը եւ Ադրբեջանը պետական մակարդակով բանակցություններ են վարում Մոսկվայում եւ Վաշինգտոնում ու ասում են, որ բանակցությունները ընթանում են հիմնականում խաղաղության պայմանագրի շուրջ: Այժմ ի՞նչ փուլում են բանակցությունները, արդյոք կողմերը մո՞տ են պայմանագրի կնքմանը: Եթե մոտ չեն, ի՞նչ տարածայնություններ կան:

-Վերջին մի քանի ամսվա ընթացքում բանակցությունների դինամիկան բավական արագ էր թե՛ արտգործնախարարների եւ թե՛ երկրի ղեկավարների մակարդակով դա գաղտնիք չէ: Այո, խաղաղության պայմանագրի որոշ դրույթների վերաբերյալ համաձայնություններ, մոտեցումներ ու դիրքորոշումներ կան, բայց կան սկզբունքային դիրքորոշումներ, որոնք մեզ համար շատ կարեւոր են, եւ հենց այդ դիրքորոշումների շուրջ է խոսակցությունը: Եթե դրանք բաժանենք, օրինակ, երեք խմբի, առաջինը Լեռնային Ղարաբաղի Հանրապետության հայության իրավունքների եւ անվտանգության մեխանիզմի հարցն է: Պետք է ապահովվի Լեռնային Ղարաբաղի Հանրապետության հայության իրավունքն ու ապահովությունը: Երկրորդը սահմանի հարցն է Հայաստանի եւ Ադրբեջանի միջեւ, թե ինչպես է իրականացվելու սահմանազատման գործընթացը, եւ երրորդը խաղաղության պայմանագրի կենսունակության հարցն է: Այդոք խաղաղության պայմանագիրը ապահովելով է խաղաղություն դրա ստորագրումից հետո:



-Ռուք՝ որպես Արտաքին հարցերի հանձնաժողովի նախագահ, ի՞նչ եք կարծում, պայմանագիրը կապահովի խաղաղություն, քանի որ տեսնում եք, որ Ադրբեջանը տարբեր հարթակներում ձեռք բերված պարտականությունները չի պահում, խախտում է հրադադարը:

-Ես կարծում եմ, որ խաղաղության պայմանագրի պահպանման համար պետք է կայուն մեխանիզմներ լինեն,

որոնք կապահովեն խաղաղության պայմանագիրը իրականացնելիս ծագած վեճերի լուծումները: Ըստ էության, պետք է նման միջազգային մեխանիզմ լինի, որը անընդհատ ուշադրության կենտրոնում կպահի տարածաշրջանը, եւ երբ որ կառաջանան վեճեր, եւ Ադրբեջանը կփորձի չկատարել մեր պայմանավորվածությունները, այդ մեխանիզմը կարգավորի այդ ամենը:

ՀՐԱՏԱՊ

ԱՐԱՋԱՆԳ՝ ՄԻՋԱԶԳԱՅԻՆ ԳՈՐԾԸՆԿԵՐՆԵՐԻՆ

ԱԺ մարդու իրավունքների պաշտպանության եւ հանրային հարցերի մշտական հանձնաժողովի նախագահ, անկուսակցական Թագուհի Թովմասյանը սոցցանցի իր էջում գրում է. «Ադրբեջանը կրակ է բացել քաղաքացիական օբյեկտների վրա, վիրավորում են ստացել օտարերկրյա քաղաքացիներ. ահազանգ միջազգային գործընկերներին:

Ադրբեջանի ՋՈւ-ն այսօր (երեկ-խմբ.)՝ ժամը 11:45-ի սահմաններում, կրակ է բացել Երասխում օտարերկրյա ներդրումների միջոցով կառուցվող մետալուրգիական գործարանի ուղղությամբ, ինչի հետեւանքով վիրավորում են ստացել օտարերկրյա 2 քաղաքացի:

Հունիսի 13-ին Ադրբեջանի ՋՈՒ ստորաբաժանումները, հերթական անգամ խախտելով հրադադարը, տարբեր սարմաչափի հրաձգային զենքերից կրակ են բացել

Արցախի հետ շփման գծի հյուսիսային, արեւելյան եւ հարավարեւմտյան, Տրետուքի, Սոթքի (կիրառել են նաեւ ականանետ),

Երասխի հատվածում տեղակայված հայկական դիրքերի ուղղությամբ: Երասխի ուղղությամբ Ադրբեջանի ՋՈՒ կրակի հետեւանքով վնասվել է քաղաքացիական ավտոմեքենա եւ այլ օբյեկտ:

Գրություններ են հասցեագրել միջազգային գործընկերներին՝ նշելով, որ Ադրբեջանը կոպտորեն խախտում է միջազգային մարդասիրական իրավունքի դրույթները, 2020թ. նոյեմբերի 9-ի եռակողմ հայտարարությունը, առհասարակ, մարդու համընդհանուր իրավունքները, ինչպես նաեւ խոչընդոտում է խաղաղության հասնելու միջազգային բոլոր ջանքերը:

Պահանջել են հրապարակային գնահատական հնչեցնել Ադրբեջանի հանցավոր վարքագծի վերաբերյալ եւ ձեռնարկել քայլեր՝ Ադրբեջանի նկատմամբ պատժամիջոցներ սահմանելու ուղղությամբ»:

ՓՈՓՈԽՈՒԹՅՈՒՆՆԵՐ՝ ԶՂ-ՈՒՄ

ԱԺ խորհրդի որոշմամբ՝ փոփոխություններ են արվել ԱԺ 8-րդ գումարման բարեկամական խմբերի կազմում:

Այսպիսով, կատարվել են հետեւյալ փոփոխությունները՝

1. Հայաստան-Իրան բարեկամական խմբում Մարիա Կարապետյանին կփոխարինի Դավիթ Դանիելյանը:

2. Հայաստան-Ղազախստան բարեկամական խմբում Վլադիմիր Վարդանյանին կփոխարինի Նարեկ Բաբայանը:

3. Հայաստան-Ֆինլանդիա, Նորվեգիա բարեկամական խմբում իմքայլական նախկին պատգամավոր Անուշ Բեղլոյանին կփոխարինի Վիլեն Գաբրիելյանը:

Իսկ, ահա, Հայաստանի Ազգային ժողովի եւ Ռուսաստանի Ղաշնության Ղաշնային ժողովի միջեւ համագործակցության միջխորհրդարանական հանձնաժողովում համալրում կա. հանձնաժողովի կազմում ընդգրկվել է նաեւ ԶՂ-ական պատգամավոր Շիրակ Թորոսյանը:

Նյութերը՝ ԶՐԻՍԻՆԱ ՍՈՒՇԵՂՅԱՆԻ



ՕՊԵՐԱՏԻՎ ՀԱՄԱՐԱՆԻՇՆԵՐ

Կարեն Անդրեասյանը խորհրդակալին օպերատիվ համարանիշներ է տվել: ՌԿ է վերջինս: «Ժողովուրդ» օրաթերթի տեղեկությունների համաձայն՝ ՀՀ ներքին գործերի նախարար Արփինե Սարգսյանի ամուսինը՝ Արշակ Վարդապետյանը, որը ՀՀ բարձրագույն դատական խորհրդի նախագահ Կարեն Անդրեասյանի խորհրդակալն է, օպերատիվ համարանիշներով է շրջում: Ավելին՝ մեզ հասած տեղեկությունների համաձայն՝ Արշակ Վարդապետյանը ԲԴԽ-ում միակ խորհրդակալն է, որն ունի ավտոմեքենայի օպերատիվ համարանիշներ, եւ հարց է առաջանում ինչպես են այդ համարանիշները հայտնվել Կարեն Անդրեասյանի խորհրդակալի մոտ: Պարզվում է՝ հայրենի դատական համակարգի անկախության թիվ մեկ երաշխավոր կառույցի անդամների համար դեռ ԲԴԽ նախկին նախագահ Գագիկ Զհանգիրյանը դիմել է ոստիկանություն եւ 10 հատ օպերատիվ համարանիշներ խնդրել: Բնականաբար, ոստիկանությունը բավարարել է Գագիկ Զհանգիրյանի խնդրանքը եւ ԲԴԽ-ի 10 անդամներին հատկացրել օպերատիվ համարանիշներ: Ու քանի որ ԲԴԽ անդամների փոփոխությունները հաճախ են լինում վերջին տարիներին, ԲԴԽ որոշ անդամների օպերատիվ համարանիշները փոխանցվել են նորեկներին՝ բացառությամբ մեկի: «Ժողովուրդ» օրաթերթը պարզեց, որ ԲԴԽ նորընտիր նախագահ Կարեն Անդրեասյանը որոշել է, որ ԲԴԽ դատավոր անդամ Արշակ Վարդանյանը, որը «իր սրտի պաշտոնյան» չէ, չի կարող օպերատիվ համարանիշներ ունենալ: Ըստ ամենայնի, հենց նրան «հասանելիք» օպերատիվ համարանիշն է Կարեն Անդրեասյանը տվել իր խորհրդակալ Արշակ Վարդապետյանին: Իսկ ի՞նչ նպատակ է դա հետապնդում: Ղատական համակարգում լուրեր կան, որ ԲԴԽ նախագահ Կարեն Անդրեասյանի խորհրդակալ Արշակ Վարդապետյանը օպերատիվ համարանիշներով հաճախ է լինում տարբեր դատարաններում, հանդիպում դատարանների նախագահների հետ՝ նրանց փոխանցելով Կարեն Անդրեասյանի մեխանիզմները, թե որ գործով ինչ վճիռ կամ որոշում է անհրաժեշտ քաղաքական իշխանությունը:

Այս տեղեկությունը փորձեցինք պարզել անձամբ Արշակ Վարդապետյանից՝ հետաքրքրվելով, թե երբ է ստացել օպերատիվ համարանիշները, եւ արդյոք դատարանների նախագահների մոտ գնալու առաքելության համար է ստացել համարանիշները: «Ժողովուրդ» օրաթերթի այս հարցերին ի պատասխան՝ Արշակ Վարդապետյանը նշեց. «ԲԴԽ գործունեության հետ կապված բոլոր հարցերով խնդրում եմ կապվել ԲԴԽ մամլո ծառայության հետ»: Նա, ըստ էության, հրաժարվեց պատասխանել իրեն առնչվող հարցերին:

Հավելվեց, որ ավտոմեքենաների վրա դրվող օպերատիվ համարանիշները հիմնականում անվերահսկելի են, չեն ստուգվում, չեն տուգանվում: Կարճ ասած, կանաչ լույս ունի ՆԳ փոխնախարարի ամուսինը:

ԱՐԳԵԼԱՓՈՎՈՒՄ

ՆՈՐ ԲԱՆԱԶԵՎ՝ ԱՐՑԱԽԻ ՎԵՐԱԲԵՐՅԱԼ

ԵՐԱՄԽՈՒՄ ՎԻՐԱՎՈՐՎԱԾՆԵՐԸ ՀՆԻԿՆԵՐ ԵՆ



Վիրավորում ստացողները ազգությամբ հնդիկներ են. այս մասին «Ժողովուրդ» օրաթերթի հետ զրույցում հայտնեց Արարատի մարզպետ Սեդրակ Թեոնյանը:

«Այս պահին գտնվում են Արարատի բժշկական կենտրոնում, ստացել են բեկորային վնասվածք, նրանց կյանքին վտանգ չի սպառնում: Այս պահին ես հիվանդանոցում եմ, վերջիններիս վիրահատում եմ», - նշեց մարզպետը:

Նշենք, որ Պաշտպանության նախարարությունից հայտնել էին, որ Ադրբեջանի պաշտպանության նախարարությունը, 11:30-ի սահմաններում տարածելով ապատեղեկատվություն այն մասին, թե, իբր, ՀՀ ՋՈՒ-ն կրակ է բացել Երասխի հատվածում տեղակայված ադրբեջանական դիրքերի ուղղությամբ, ստեղծելով տեղեկատվական հիմք, 10-15 րոպե անց՝ ժամը 11:45-ի սահմաններում, նույն ուղղությամբ կրակ է բացել Երասխում օտարերկրյա ներդրումների միջոցով կառուցվող մետալուրգիական գործարանի ուղղությամբ, ինչի հետևանքով վիրավորում են ստացել օտարերկրյա 2 քաղաքացի: **ԼԻՂԱ ԵՐԻԱԶՍՐՅԱՆ**

ՀԱՅ-ԱՊՐԵՋԱՆԱԿԱՆ ՀԱՆԳԻՊՄԱՆ ՀԵՏԱԶԳՈՒՄԸ

Հայաստանի եւ Ադրբեջանի ԱԳ նախարարների բանակցությունների հերթական փուլը, որը նախատեսված էր այս շաբաթ Վաշինգտոնում, հետաձգվել է ժամանակացույցի հետ կապված խնդիրների պատճառով: Այս մասին հայտարարել է ԱՄՆ Պետդեպարտամենտի պաշտոնական ներկայացուցիչ Մեթյու Միլլերը:

Ավելի վաղ հաղորդվել էր, որ Հայաստանի եւ Ադրբեջանի արտգործնախարարների քննարկումների հերթական փուլը, որը նախատեսված էր հունիսի 12-ին Վաշինգտոնում, հետաձգվել է Բաքվի խնդրանքով:

«Ցավոք, այս հանդիպումը չկայացավ ժամանակացույցի հետ կապված խնդիրների պատճառով, եւ մենք անհամբեր սպասում ենք, որ այն տեղի կունենա, որքան հնարավոր է, շուտ», - ասաց Միլլերը:

ՀՅԳ Հայ դասի Եվրոպայի գրասենյակի աշխատանքների արդյունքում Բեյգիայի Ֆլամանական խորհրդարանի արտաքին գաղափարախոսության հանձնաժողովում Արցախի վերաբերյալ բանաձև է ընդունվել՝ Ադրբեջանի կողմից արգելափակված Լաչինի միջանցքի անհատադր բացման եւ Հայաստանի ինքնիշխան սահմանից ադրբեջանական զորքերի դուրսբերման դաշնագրով:

ՀՅԳ Բյուրոյի Հայ դասի կենտրոնական գրասենյակից հայտնում են, որ բանաձեւում արձանագրված է, որ Լաչինի միջանցքը Արցախը Հայաստանի Հանրապետության հետ կապող կենսական կարևոր օղակ է, ինչը արգելափակման է ենթարկվել Ադրբեջանի կողմից: Շրջափակումը հումանիտար ճգնաժամ է առաջացրել Արցախի տեղաբնիկ հայ բնակչության համար եւ խոչընդոտում առաջին անհրաժեշտության պարագաների, մարդասիրական օգնության մուտքն ու տնտեսական հնարավորությունները: Ֆլամանական խորհրդարանի արտաքին քաղաքականության հանձնաժողովը ընդունում է հարցի հրատապությունը եւ կոչ անում Ադրբեջանին անհապաղ վերացնել շրջափակումը՝ ապահովելով ապրանքների, ծառայությունների հոսքն ու մարդկանց տեղաշարժը միջանցքով:

Ավելին՝ բանաձեւում ընդգծվում է Հայաստանի ինքնիշխան տարածքից ադրբեջանական ուժերի անհապաղ դուրսբերման անհրաժեշտությունը: Նշվում է, որ ինքնիշխան պետության սահմաններում օտարերկրյա ռազմական ուժերի ներկայությունը միջազգային իրավունքի խախտում է եւ ինքնիշխանության սկզբունքների խաթարում: Բանաձեւը կոչ է անում ԵՄ-ին դրդել Ադրբեջանին դադարեցնելու իր թշնամական քաղաքականությունը հայ ժողովրդի դեմ եւ ապահովելու Լեռնային Ղարաբաղի բնակչության իրավունքներն ու անվտանգությունը, որը կանգնած է ցեղասպանության վտանգի առաջ:

Բանաձեւի նախաձեռնող, Ֆլամանական խորհրդարանի անդամ Ալեքսիա Քլեյսը, որը ներկայացնում է Նոր ֆլամանական «Ալիանս» կուսակցությունը, անդրադառնալով բանաձեւի ընդունմանը, նկատել է. «Ես շատ գոհ եմ, որ խորհրդարանի արտաքին քաղաքականության հանձնաժողովը հավանություն է տվել հայադրբեջանական հակամարտության՝ ներառյալ Լաչինի միջանցքի փակման եւ հումանիտար իրավիճակի վերաբերյալ մեր բանաձեւին:



նի արտաքին քաղաքականության հանձնաժողովը հավանություն է տվել հայադրբեջանական հակամարտության՝ ներառյալ Լաչինի միջանցքի փակման եւ հումանիտար իրավիճակի վերաբերյալ մեր բանաձեւին:

Մենք միանական ենք՝ դատապարտելու շարունակվող պատերազմը, եւ կոչ ենք անում բոլոր կողմերին արդյունավետ քննարկումներում առաջ շարժվել դեպի կայուն խաղաղություն:

Բանաձեւի քննարկումներ ընթացքում խորհրդարանի անդամ եւ բանաձեւի համահեղինակ Կարլ Վանլաուեն մասնավորապես նշել է. «Այս բանաձեւը հայ համայնքի հետ բազմաթիվ զրույցների եւ ֆլաման լրագրող Յենս Դե Ռեյկի հետ քննարկումների արդյունք է, որին անցած շաբաթ հյուրընկալել էինք հանձնաժողովում:

Նա ներկայացրել է Կովկասում ավերիչ հակամարտությունը: Լաչինի միջանցքի ներկայիս շրջափակումը իսկական հումանիտար ճգնաժամ է: Դա պետք է դադարեցվի հիմա»:

Անդրադառնալով բանաձեւին՝ ՀՅԳ Հայ դասի Եվրոպայի գրասենյակի նախագահ Գասպար Կարապետյանը նշել է. «Մենք բարձր ենք գնահատում ֆլաման պատգամավորների աջխառնվածքը, մասնավորապես՝ նրանց, ովքեր առաջնորդող դեր են խաղացել եւ անխոնջ կերպով հանդես են եկել ադրբեջանական ագրեսիայի, ինչպես նաեւ Արցախում էթնիկ զտումների քաղաքականության դեմ: Արցախի բնիկ հայ ժողովրդի ինքնորոշման իրավունքը հավասար է նրա կյանքի իրավունքին, որը պետք է անզիջում կերպով պաշտպանել»:

ՕՐՎԱ ԽՃԱՆԿԱՐ ՕՐԵՆՄԱՐԱԿԱՆ ՓՈՓՈԽՈՒԹՅՈՒՆՆԵՐ

Հունիսի 14-ին Ազգային ժողովի նիստում պատգամավորները երկրորդ եւ վերջնական ընթերցմամբ հավանություն են տվել գործող օրենքների մի շարք օրենսդրական փոփոխությունների:

- Դրանց թվում են.
- «Կամավորական գործունեության մասին» օրինագծերի փաթեթը եւ կից օրենքներում փոփոխությունների կատարումը,
- «Նախադպրոցական կրթության մասին» օրենքում եւ կից օրենքներում փոփոխություններ եւ լրացումներ կատարելու մասին» օրինագծերի փաթեթը:
- Բացի այդ, խորհրդարանականներն առաջին ընթերցմամբ հավանություն են տվել մի շարք այլ օրինագծերի:
- Դրանց թվում են.
- «Ոստիկանության մասին» օրենքում եւ կից օրենքներում լրացումներ կատարելու մասին» օրինագծերի փաթեթը,
- «Վարչական իրավախախտումների մասին օրենսգրքում եւ կից օրենքներում


- «Ավտոտրանսպորտով վտանգավոր բեռների եւ չվարակազերծված բեռնարկերի փոխադրման մասին» օրենքում եւ կից օրենքներում փոփոխություններ եւ լրացումներ կատարելու մասին» օրինագծերի փաթեթը,
- «Վարչական իրավախախտումների մասին օրենսգրքում փոփոխություններ եւ լրացումներ կատարելու մասին» օրինագիծը,
- «Մասնաբուժության մասին» օրենքում եւ կից օրենքներում փոփոխություններ եւ լրացումներ կատարելու մասին» օրինագիծը,
- «Տեսաձայնային մեդիաների մասին» օրենքում փոփոխություններ եւ լրացումներ կատարելու մասին» օրինագիծը,
- «Իրավանդատիվային ակտերի մասին» օրենքում լրացումներ կատարելու մասին» օրինագիծը:

Խորհրդարանականները նաեւ վավերացրել են «Եվրասիական վերաապահովագրական ընկերության ստեղծման մասին» պայմանագիրը:

ՄԵՂԱՎՈՐՆԵՐԸ ԶԿԱՆ

ՇՇԻ ՄԵԼՈՆ ՈՒ ՄՊԱՆՈՒԹՅԱՆ ՓՈՐՉԸ

«ժողովուրդ» օրաթերթին հայտնի դարձավ, որ ՀՀ վերաքննիչ ֆրեական դասարանը ԱԺ նախկին դասարանավոր Մելիք Մանուկյանի սղանության փորձի գործով որոշում է կայացրել: Եվ, ահա, մեզ հայտնի դարձավ, որ դասարանը անփոփոխ է թողել Կոսայի մարզի ընդհանուր իրավասության դասարանի որոշումը եւ ճիշտ գտել, որ սղանության փորձի համար մեղադրվողները կառոչ չունեն միջադեպի հետ, ուստի նրանք արդարացի են: Մտադրվում է, որ այդպես էլ իրավադատները չկարողացան գտնել, թե ով կամ ինչու փորձեց սղանել ՇՇի Մելոյին. միգուցե Մելիք Մանուկյանը հոգու խորում շատ լավ գիտի, թե ինչու են ընկել իր հետեւից:



Յիշեցնենք, որ Գլխավոր դատախազությունը բողոք է ներկայացրել ՀՀ վերաքննիչ դատարան՝ ԱԺ նախկին պատգամավոր, գործարար Մելիք Մանուկյանի՝ ՇՇի Մելոյի նկատմամբ մահափորձի գործով: «ժողովուրդ» օրաթերթին հայտնի դարձավ, որ մեղադրող դատախազը պահանջում է, որ նախկին պատգամավորի դեմ մահափորձի գործով մեղադրյալներին դատապարտեն 20 տարի ժամկետով:

Նշենք, որ շուրջ 3 տարի առաջ իրականացված սպանության փորձի գործով արդարացման դատական ակտ էր կայացվել: Կոսայի մարզի ընդհանուր իրավասության դատարանը՝ դատավոր Գոռ Շահբազյանի նախագահությամբ, հրապարակել է վճիռը, համաձայն որի՝ ամբաստանյալներ Արթուր Մխիթարյանը, Ջեմսիկ Մարտիրոսյանը եւ Պետրոս Էլբակյանն արդարացվել են՝ սպանության փորձի, ապօրինի զենք-զինամթերքի եւ գույքի դիտարկության ոչնչացման դրվագներով:

Ամբաստանյալներից մեկը՝ Ջեմսիկ Մարտիրոսյանը, մեղավոր է ճանաչվել՝ ՀՀ քրեական օրենսգրքի 112-րդ հոդվածի հատկանիշներով (դիտարկությամբ առողջությանը ծանր վնասվածք պատճառելը) առաջադրված մեղադրանքում (այսինքն) եւ ՔՕ 235 -րդ հոդվածի 1-ին կետի (Ապօրինի կերպով զենք-զինամթերք ձեռք բերելը, պահելը) հատկանիշներով: Գործի շրջանակներում կալանավորվել են Շիրակի մարզի բնակիչներ 56-ամյա Արթուր Մխիթարյանը, 53-ամյա Պետրոս Էլբակյանը եւ 45-ամյա Ջեմսիկ Մարտիրոսյանը, որոնք չեն ընդունում առաջադրված մեղադրանքը եւ հերքում են իրենց առնչությունը կատարված դեպքի հետ:

ԳՈՐԾԸ՝ ԴԱՏԱՐԱՆՈՒՄ

ՎԱՐՉԱՊԵՏԻ ՏԻԿԻՆՆ ՈՒ ԱՆՔԵՏԱՑԱԾ ՈՍԿԵՂԵՆԸ

«ժողովուրդ» օրաթերթը գրել էր, որ ՀՀ ազգային անվտանգության ծառայությունը նախաքննության ավարտ է հայտարարել Նիկոլ Փաշինյանին եւ Աննա Հակոբյանին դատապարտելու, ռուս 4 միլիոն արժողությամբ սարքեր սեռանկի ոսկյա զարդերը հափճակելու ֆրեական վարույթով: Գործը մնել է դասարան, եւ այն քննելու է դասավոր Սուսաննա Գողոյանը:

Ե, որ ինքն էլ գնած ոսկին վերավաճառել է, ու այսպես իրավապահները չեն կարողանում զարդերը հետ վերադարձնել վարչապետի ընտանիքին:

Յիշեցնենք, որ ՀՀ ազգային անվտանգության ծառայությունը 3 տարի անց Նոր հանգամանք էր հայտնել 2020 թվականի նոյեմբերի 10-ին ՀՀ կառավարության, Ազգային ժողովի շենքերում եւ պետական նշանակության այլ օբյեկտներում ու հասարակական վայրերում բռնություն գործադրելու դեպքերով:

Ուշագրավն այն է, որ իրավապահները այդպես էլ չեն կարողացել հայտնաբերել 4 միլիոն արժողությամբ տարբեր տեսակի ոսկյա զարդերը:

Նախաքննությամբ պարզվել է նաեւ, որ Տիգրան Պ.-ն 2020 թվականի նոյեմբերի 10-ին ժամը 03:00-ի սահմաններում, գնացել է Երեւան քաղաքի Չորափի 74 հասցեում գտնվող ՀՀ կառավարական կեցավայրի մոտ եւ միացել այնտեղ հավաքված զանգվածային անկարգությունների մասնակիցներին:

Յիշեցնենք, որ պատերազմի ավարտն ազդարարող հրադարարի հայտարարության պահանջներին դժգոհ քաղաքացիները հենց կեսգիշերին հավաքվեցին կառավարության դիմաց, ապա շարժվեցին կառավարական ամառանոց, որտեղից էլ գողացան վարչապետի կնոջը պատկանող շուրջ 4 մլն արժողությամբ ոսկյա զարդերը:

ՎԱՐԿԱԾՆԵՐ

ԿԵՆՏՐՈՆԻ ՄՊԱՆՈՒԹՅՈՒՆՆ ՈՒ ԿԱՄԿԱԾՅԱԼԻ ԽՈՍՔԸ



Հունիսի 6-ին Երեւանում Բաղրամյան պողոտայից դեպի Ջեյմս Բրայսի փողոց տանող հատվածում թիվ 8-րդ պոլիկլինիկայի հարեանությամբ սպանված 35-ամյա Վարազդատ Գասպարյանի գործով ձերբակալվել է Հակոբ Ծ.-ն:

Սեզ հասած լուրերի համաձայն՝ քրեական պատմություններով հայտնի Գնունեցի Վարազիկի սպանության գործով ձերբակալվածը իրաժարվում է ցուցմունք տալ. ընդամենը բանավոր հասկացրել է իրավապահներին՝ ինչ արել է, լավ է արել, սատելիք չունի: Նշենք, որ իրավապահ համակարգում տարբեր վարկածներ են պատվում, որ միգուցե Երեւանում քրեական պատմություններով հայտնի Գնունեցի Վարազիկի սպանությունը կապված է այն դեպքի հետ, երբ 2019 թվականի հուլիսի 2-ի գիշերը Նոր Նորքում սպանվել էր «օրենքով գող» 46-ամյա Անդրանիկ Հարությունյանը: Վերջինս քրեական աշխարհում առավել հայտնի է Անդր Խրոմոյ (Կաղ Անդր) կամ Մասիվցի Անդիկ կեղծանուններով: Դեպքից հետո համացանցում հայտնվեց սպանության տեսագրությունը, որտեղ Նոր Նորքի իր տան բակի տաղավարում Անդրանիկ Հարությունյանը նստած է եւս 3 անձի հետ, թղթախաղ են խաղում: Նրանց է մոտենում սեւ հագուստով մի անձ, կրակում տաղավարում գտնվող 4 տղամարդկանց ուղղությամբ: Բանն այն է, որ Գնունեցի Վարազիկի անունը շոշափվել է Անդրանիկ Հարությունյանի դեպքով, եւ նրանցից տարիներ առաջ տեղի ունեցած սպանության համար վրեժխնդիր եղան:

● Ըստ ոստիկանության տվյալների՝ հունիսի 13-ից 14-ը Հայաստանի Հանրապետությունում բացահայտվել է հանցագործության 57 դեպք, որոնցից 5-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՍԱՐՁ

ՈՒՂԵՎԱՐՉԵՐԻ ՔՆԱՅԻՆ ՏԱՐԲԵՐՈՒԹՅՈՒՆ

Երեւան-Վանաձոր հեռավորությունը 117 կմ է: Երեւան Վանաձոր եւ հակառակ ուղղությամբ միկրոավտոբուսային երթուղու տոմսի գինը 800 դրամ է, տաքսի ավտոմեքենաներով (երբ 4 ուղևորներով են հավաքվում, միասին վճարում) 1500 դրամ: Երեւան-Իջեւան հեռավորությունը 136 կիլոմետր է, միկրոավտոբուսային երթուղու տոմսի գինը՝ 1500 դրամ, տաքսի ավտոմեքենաներով՝ 2500 դրամ, Երեւան-Դիլիջան հեռավորությունը 90 կմ է, միկրոավտոբուսային երթուղու տոմսի գինը՝ 1000 դրամ, տաքսի ավտոմեքենաներով՝ 2000-2500 դրամ: Գրեթե նույն հեռավորության դեպքում իջեւանցիները գրեթե երկու անգամ ավել են վճարում, քան վանաձորցիները: Իջեւանցիները կրկնակի հարուստ են վանաձորցիներից, որ մայրաքաղաք Երեւան հասնելու եւ այնտեղից վերադառնալու համար Վանաձորի բնակիչներից գրեթե կրկնակի են վճարում:

473 ՏՈՒՆ ՎԹԱՐԱՅԻՆ Է

Տավուշի մարզպետ Յայկ Ղալումյանին տեղեկատվական հարցում եմ ուղարկել մարզի համայնքներում հողի սողանքի հետեւանքով 3-րդ եւ 4-րդ կարգի վթարային տների թվի վերաբերյալ: Մարզպետարանից ստացված պատասխանում նշված է որ Իջեւան քաղաքում առկա է 4-րդ կարգի վթարային 5 տուն, Իջեւան համայնքի Գանձաքար գյուղում՝ վթարային 3-րդ կարգի 29, 4-րդ կարգի՝ 13 տուն, Ներքին Շաղկավան գյուղում՝ 4-րդ կարգի վթարային 3 տուն, Ավնաղբյուր գյուղում՝ 3-րդ կարգի վթարային 22, 4-րդ կարգի վթարային 43 տուն, Սեւքարում՝ 3-րդ կարգի վթարային՝ 22, 4-րդ կարգի՝ 12 տուն, Աջաջուր գյուղում՝ 3-րդ կարգի վթարային՝ 31, 4-րդ կարգի՝ 28 տուն, Գետահովիտ գյուղում՝ 3-րդ կարգի վթարային 67, 4-րդ կարգի՝ 8 տուն, Խաչառանկում՝ 3-րդ կարգի վթարային 40, 4-րդ կարգի՝ 7 տուն, Սարիգյուղում՝ 3-րդ կարգի 1, Այգեհովիտում՝ 3-րդ կարգի վթարային՝ 2 տուն: Դիլիջան քաղաքում առկա է սողանքից 4-րդ կարգի վթարային 5, Դիլիջան համայնքի Յաղարծին գուղում՝ 4-րդ կարգի 3 տուն, Գոշ գյուղում՝ 3-րդ կարգի 14, 4-րդ կարգի՝ 11 տուն, Աղավնավանքում՝ 3-րդ կարգի 2, Թեղուտում՝ 4-րդ կարգի 1 տուն, Յուզում՝ 3-րդ կարգի վթարային՝ 61, 4-րդ կարգի՝ 35 տուն: Նոյեմբերյան քաղաքում առկա է 4-րդ կարգի վթարային 6, Նոյեմբերյան համայնքի Կողբ եւ Կոթի գյուղերում՝ 4-րդ կարգի մեկական տուն: Ընդհանուր առմամբ Տավուշի մարզում առկա է վթարային 3-րդ կարգի 289, 4-րդ կարգի՝ 184 տուն: Վթարային տների խնդիրը լուծելու համար տարիներ շարունակ պետական բյուջեից ֆինանսական հատկացումներ չեն արվում, հիմնահարցը չի լուծվում:

ՈՍԿԱՆ ՍԱՐԳՍՅԱՆ Տավուշ

ԳՈՐԾԸՆԹԱՑ

ԱԶԳԱՅԻՆ ՄԵԿՆԱՐԿԱՅԻՆ ՀԱՆԴԻՊՈՒՄ

ՀՀ կրթության, գիտության, մշակույթի եւ սպորտի նախարարի տեղակալ Մրաֆսիա Սվաջյանը երեկ ներկա է եղել «Թուրինյան գործընթաց. դեղի ցկյանս ուսումնառություն» ազգային մեկնարկային հանդիպմանը:

Հայաստանը Թուրինյան գործընթացի նոր փուլի ակտիվ մասնակիցն է. գործընթացի մեկնարկը տվել է Եվրոպական կրթական հիմնադրամը (ԵԿՀ)՝ հատուկ ուշադրություն դարձնելով կրթական եւ ուսումնական համակարգերի ցկյանս հեռանկարների մշտադիտարկմանը եւ ցկյանս ուսումնառության հայեցակարգի փոփոխությանը:

ԿԳՄՍ նախարարի տեղակալ Արաքսիա Սվաջյանը շնորհակալություն է հայտնել Եվրոպացի գործընկերներին՝ ի դեմս Եվրոպական կրթական հիմնադրամի, ցկյանս կրթության հայեցակարգի եւ ուսումնառության, գործող մեխանիզմների վերաբերյալ Հայաստանում իրականացրած մշտադիտարկման եւ ստացված արդյունքների համար:

«Մշտադիտարկման շնորհիվ հնարավորություն ունենք արձանագրելու բոլոր խնդիրներն ու ձեռքբերումները եւ դրանց հիման վրա սկսելու գործընթացի երկրորդ փուլը: Սա նաեւ հնարավորություն է հայեցակարգում անհրաժեշտ փոփոխություններ կատարելու եւ մեր քաղաքացիների ապահովելու ցկյանս ուսումնառության առավել բարենպաստ պայմաններ», - ասել է Արաքսիա Սվաջյանը:

Փոխնախարարը գործընթացի իրականացումը կարելու է թե՛ ֆորմալ, թե՛ ոչ ֆորմալ կրթական ոլորտների համար՝ որպես հնարավորություն տարբեր մասնագիտություններ ունեցող մարդկանց կարողությունները զարգացնելու կամ կյանքի ցանկացած փուլում նոր մասնագիտություն ընտրելու եւ ներուժը երկրի տնտեսության զարգացմանն ուղղելու տեսանկյունից:

Աշխատաժողովին ողջույնի խոսքով հանդես են եկել նաեւ Համագործակցության բաժնի ղեկավար, Հայաստանում ԵՄ պատվիրակության ներկայացուցիչ



Ֆրանկ Յեսսը, ԿԳՄՍ նախնական /արհեստագործական/ եւ միջին մասնագիտական կրթության վարչության պետ, Թուրինյան գործընթացի ազգային համակարգող Արմենուհի Պողոսյանը, ԵԿՀ Մարդկային կապիտալի զարգացման ավագ մասնագետ Միհայլո Միլովանովիչը: Միջոցառման ընթացքում ներկայացվել է քննարկվել են Թուրինյան գործընթացի կողմից Հայաստանում ՄԿՈՒ հայեցակարգի եւ դրա համակարգային առաջընթացի մշտադիտարկման արդյունքները: Միջոցառումը դարձել է նաեւ Թուրինյան գործընթացի կողմից Հայաստանում ցկյանս ուսումնառության հայեցակարգի ուսումնասիրության եւ գործընթացի հետազոտության փուլերում Հայաստանը ներգրավելու մեկնարկ:

ԿԳՄՍ նախնական /արհեստագործական/ եւ միջին մասնագիտական կրթության վարչության պետ Արմենուհի Պողոսյանի խոսքով՝ Հայաստանը 2010 թվականից միացել է Թուրինյան գործընթացին. «Սա մեզ համար շատ կարելու է գործիք է, որի շնորհիվ կարողանում ենք վերլուծել ու գնահատել ՄԿՈՒ ոլորտում արձանագրված առաջընթացը եւ որի հիման վրա նախանշում ենք բոլոր բարեփոխումներն ու ծրագրերը: Թուրինյան գործընթացի նախորդ տարիների վերլուծական փաստաթղթերը եւ զեկույցները մեծապես նպաստել են «ՀՀ կրթության մինչեւ 2030 թվականի զարգացման պետական ծրագրի» եւ գործողությունների պլանի մշակման գործընթացին, ինչպես նաեւ օգնել հստակ գնահատելու, թե ինչ ունենք եւ ինչպես պետք է շարժվենք առաջ մեր նպատակների իրագործման համար»:

Արմենուհի Պողոսյանը կարելու է Եվրոպական կրթական հիմնադրամի մշտական աջակցությունը Հայաստանում ՄԿՈՒ համակարգի զարգացմանը՝ իրականացնելով մի շարք ծրագրեր, որոնք ուղղված են թե՛ բովանդակության, թե՛ սոցիալական գործընկերության զարգացմանը եւ թե՛ ՄԿՈՒ ոլորտում ինստիտուցիոնալ համակարգի ներդրմանը:

Հայաստանում ԵՄ պատվիրակության եւ Եվրոպական կրթական հիմնադրամի ներկայացուցիչները բարձր են գնահատել Հայաստանի մասնակցությունը Թուրինյան գործընթացին՝ ընդգծելով, որ մեր երկրում ստեղծված են բավական լավ հնարավորություններ ՄԿՈՒ համակարգի գրավչության բարձրացման ու մարդկանց ներգրավվածության ապահովման համար:

ՕՐԱԿԱՐԳ

ԹՈՒՆԵՒԼԱՇԻՆՈՒԹՅԱՆ ԻՏԱԼԱԿԱՆ ՓՈՐՁ

ՀՀ տարածքային կառավարման եւ ենթակառուցվածքների նախարար Գնել Սանոսյանը, նախարարի տեղակալ Քրիստինե Ղալեյանը, «Ճանապարհային դեպարտամենտ» հիմնադրամի ղեկավար Գոռ Ավետիսյանը հունիսի 12-ից գտնվում են Իտալիայի Հանրապետությունում:

ՏԿԵՆ-ից հայտնում են, որ այցի նպատակն էր ծանոթանալ Իտալիայի ճանապարհային ենթակառուցվածքներին, մայրուղիների, թունելների շինարարությանը, դրանց պահպանման եւ շահագործման մեխանիզմներին, ճանապարհային ցանցի կառավարման համակարգերին:

Այցը նպատակ է հետապնդում խորացնել համագործակցությունը ճանապարհաշինության ոլորտում, բարելավել հայ-իտալական ճանապարհային ենթակառուցվածքների փորձի փոխանակումը:

Հունիս 12-ին հայկական պատվիրակությունը Azienda Nazionale Autonoma delle Strade կազմակերպության հետ այցելել է

2,6 կմ երկարությամբ Tempio di Giove թունել: Տեղում ծանոթացել են թունելի շինարարության նորմերին, պահանջներին:

Նախարարին են ներկայացվել թունելաշինության ոլորտում իտալական փորձը, մեթոդները:

ԹՈՇԱԿԸ ԲԱՐՉՐԱՆՈՒՄ Է

Երեկ ՀՀ աշխատանքի եւ սոցիալական հարցերի նախարար Նարեկ Սկրտչյանը հայտարարեց, որ հուլիսի 1-ից կենսաթոշակները կբարձրանան քիչ աշխատանքային փորձ ունեցողների համար 4400 դրամով, իսկ 10 տարուց ավելի ստաժ ունեցողների համար՝ 3000 դրամով:

«Հուլիսի 1-ից թոշակի նվազագույն չափը կդառնա 36 000 դրամ, ներկայիս 31 600-ի փոխարեն, այսինքն՝ կլինի 4400 դրամի ավելացում: Շատ տարիների ստաժ ունեցողների համար ավելացումը կլինի 3000 դրամով, ինչը, որովհետեւ մեծ թիվ են կազմում մինչեւ 10 տարի ստաժ

ունեցող քաղաքացիները, որոնք խնդիր ունեն իրենց ծախսերը համապատասխանեցնելու պարենային զամբյուղին», - ասել էր նախարարը:

Սակայն հարց է առաջանում ավելացված 3000-4000 դրամը որտե՛ է կերպ նպաստում է, որպեսզի թոշակառու կարողանա գնել պարենային զամբյուղի նվազագույն ապրանքները, թե՛ ոչ:

Նախարարի հայտարարությունից հետո «Ժողովուրդ» օրաթերթը բազմաթիվ ահազանգեր է ստացել քաղաքացիներից, որոնք նշում են, որ 36.000 դրամ թոշակով անհնար է գոյատևել: Այդ գումարը անգամ չի բավարարում թոշակառուներին գնել ամսվա համար անհրաժեշտ դեղամիջոցների խմբաքանակը, իսկ պարենային զամբյուղը լցնելու մասին խոսք անգամ չի կարող գնալ:

Քաղաքացիների խոսքով՝ սա չնչին ավելացում է եւ գրեթե ոչ մի կերպ չի օգնի լուծել իրենց կենցաղային հարցերը, մասնավորապես՝ այն դեպքում, երբ Հայաստանում թանկացումների ալիքը շարունակվում է եւ նվազելու միտում չունի:

ՍՆՍՈ ՄԵԼԵՆՅԱՆ

● Անցած 1 օրվա ընթացքում Հայաստանի Հանրապետությունում արձանագրվել է 9 ՃՏՊ. 1 մարդ զոհվել է, 17-ը՝ ստացել տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ԵԼՔ ՈՒ ՄՈՒՏՔ

ՎԻԶԱՆԵՐԻ ՍՏԱՑՄԱՆ ՆՈՐ ԿԱՐԳ



ԵՄ խորհրդի եւ Եվրախորհրդարանի բանակցողները համաձայնեցրել են թվային շենգենյան վիզաների սահմանման նոր դրույթը, որոնք ապագայում հնարավոր կլինի ստանալ օնլայն: Այս մասին ասվում է խորհրդի մամուլի ծառայության հայտարարության մեջ:

«Այս դրույթը հնարավորություն է տալիս վիզա ստանալու համար դիմել առցանց, ինչպես նաեւ այժմ օգտագործվող կաշուն պիտակը փոխարինում է թվային վիզայով», - ասվում է հայտարարության մեջ:

Եվրախորհրդում վստահեցնում են, որ այս նախաձեռնությունը կդուրսացնի շենգենյան վիզայի ստացումը՝ մի կողմից, իսկ մյուս կողմից՝ կուժեղացնի անվտանգությունը շենգենյան տարածքում:

Ինչպես նշել են ԵՄ խորհրդում, առաջարկն ուժի մեջ մտնելուց հետո կստեղծվի հատուկ միասնական առցանց հարթակ, որի միջոցով կիրականացվեն դիմումների ներկայացումը եւ էլեկտրոնային վիզաների տրամադրումը, ինչը զգալիորեն կհեշտացնի ընթացակարգը ինչպես ճանապարհորդների, այնպես էլ հյուպատոսական ծառայությունների համար:

Հաղորդվում է նաեւ, որ դիմորդները, այնուամենայնիվ, ստիպված կլինեն անձամբ ներկայանալ հյուպատոսություն այն դեպքում, եթե շենգենյան վիզայի հայտը ներկայացվում է առաջին անգամ, եւ իշխանությունները պահանջում են ստանալ դիմորդի կենսաչափական տվյալները, ինչպես նաեւ եթե կենսաչափական տվյալներն այլեւս անվավեր են: Բացի այդ, անձնական ներկայությունը անհրաժեշտ կլինի այն դեպքում, եթե ձեռք բերվի նոր փաստաթուղթ, որով դիմումատուն ճանապարհորդում է:

ՀԱՅՏԱՐԱՐՈՒԹՅՈՒՆ

Արթուր Հրանտի Գրիգորյանը կորցրել է իր դիպլոմը՝ տրված Հայաստանի ֆիզիկական կուլտուրայի եւ սպորտի պետական ինստիտուտի կողմից 1989թ.-ին: Ավարտել է Մարզական ֆակուլտետը:

ՑՈՒՑԱՆԻՇՆԵՐ

ՓԱԽՍՏԱԿԱՆՆԵՐԻ ԹԻՎԸ ՄԵԾԱՑԵԼ Է

ՄԱԿ-ի 2022 թվականի սվյալներով՝ ամբողջ աշխարհում 108,4 միլիոն մարդ ստիպված է եղել լքել իր բնակավայրը ռազմական հակամարտությունների, հետադնդումների, բռնությունների եւ մարդու իրավունքների խախտումների դաժանով: Այս ցուցանիշը սասնեցրող անգամ անընդմեջ աճել է մինչեւ առավելագույն արժեք. մեկ տարի առաջ այն գրեթե 20 միլիոնով ցածր էր:



2023 թվականի մայիսին ամբողջ աշխարհում փախստականների թիվը կարող է հասնել 110 միլիոնի: Այս մասին ասվում է հունիսի 14-ին հրապարակված ՄԱԿ-ի Փախստականների հարցերով գերագույն հանձնակատարի վարչության (ՄԱԿ ՓՀԳ) «Գլոբալ միտումներ» ամենամյա զեկույցում:

Այս ցուցանիշի կտրուկ աճի գլխավոր պատճառը Ռուսաստանի կողմից Ուկրաինայի դեմ սանձազերծված պատերազմն է: Ուկրաինայից փախստականների թիվը 2021 թվականի վերջին 27 300-ից 2022 թվականի վերջին հասել է 5,7 միլիոնի: ՄԱԿ ՓՀԳ-ի տվյալներով՝ խոսքը Երկրորդ համաշխարհային պատերազմից ի վեր արտագաղթի ամենաարագ ալիքի մասին է: Բացի այդ, 2022 թվականին ամբողջ աշխարհում տեղահանվածների թիվն աճել է բացառվում է Աֆղանստանից փախստականների ենթադրյալ ցուցանիշների վերահաշվարկով, ինչպես նաեւ ռազմական այլ հակամարտություններով, հատկապես՝ Սուդանում:

Մեծ քանակությամբ փախստականների մեծ մասն ընդունել են աշխարհի ոչ ամենահարուստ երկրները: Հարկադրված միգրանտների ավելի քան հինգերորդը գտնվում է 46 առավել թույլ զարգացած պետություններում, որոնց բաժին է ընկնում համաշխարհային ՀՆԱ-ի 1,3 տոկոսից պակասը. նշում է ՄԱԿ-ը:

մասնավորապես՝ Հարավային Սուդան, Սիրիա, Կամերուն եւ Կոտ դ'Իվուար: Ներքին տեղահանվածների թվում իր բնակավայր է վերադարձել 5,7 մլն մարդ, այդ թվում՝ Եթովպիա, Մյանմար, Սիրիա, Մոզամբիկ եւ Կոնգոյի Դեմոկրատական Հանրապետություն:

ՀՐԱՊՈՐՏԱԿԱՆ ԾԱՆՈՒՑՈՒՄ

Արմեն Վալերիի Սկրտչյանի սնանկության գործով կառավարիչ Մակար Եղիազարյանի կողմից 04.07.2023 թվականին ժամը 15:00-ին ք.Երեւան, Արմենի 6/1, 303 հասցեում կանցկացվի ՀՀ Սնանկության դատարանի թիվ ՍնԴ/1328/04/20 սնանկության գործով 22.09.2020 թվականին կայացված վճռով սնանկ ճանաչված Արմեն Վալերիի Սկրտչյանի ստորու նշված անշարժ գույքի հրապարակային սակարկություններով վաճառքը հետեւյալ լուտով.

Լուտ 1 - Պարտապանի պարտավորությունների կատարման ապահովման նպատակով Զուլիետտա Հրաչյայի Մետրոպոլիտան, Սերգեյ Հրաչյայի Մետրոպոլիտան եւ Հայաստան Արսենի Հովհաննիսյանի սեփականության իրավունքով պատկանող «Հայքիզնեսթաբլ» ՓԲԸ օգտին գրավադրված ՀՀ, Երեւան, Աջափնյակ, Սիսակյան փողոց 18բ շենքի թիվ 5 բնակարան հասցեում գտնվող անշարժ գույքը, (մակերեսը՝ 63,2քմ, հարկայնությունը՝ 9/2 սեփականության իրավունքի վկայական՝ 11092012-01-1122, կադաստրային ծածկագիր՝ 01-001-0021-0001-014-005):

Մ Մեկնարկային գին՝ 24,800,000 ՀՀ դրամ:
Աճուրդին մասնակցելու համար պետք է ներկայացվեն՝
ա/ ֆիզիկական անձանց դեպքում՝ անձնագրի պատճենը,
բ/ իրավաբանական անձանց կամ անհատ ձեռնարկատերերի դեպքում՝ դրանց պետական գրանցում հավաստող փաստաթղթերի պատճենները,
գ/աճուրդի մասնակցության վճարի եւ նախավճարի վճարումները հավաստող փաստաթղթերը (անդորրագրերը):

Աճուրդում ներկայացված բոլոր գույքի վրա առկա են «Սնանկության մասին» ՀՀ օրենքով սահմանված սահմանափակումներ եւ հանդիսանում է գրավի առարկա: Գույքը ծանրաբեռնված է բնակիչներով, որոնք գույքի ձեռք բերման դեպքում ենթակա են վտարման: Հ

Աճուրդին մասնակցելու ցանկություն ունեցող անձինք աճուրդին մասնակցելու համար կարող են աճուրդի մասնակցության հայտ(եր)ը ներկայացնել ՀՀ սնանկության դատարան սույն հայտարարությունը հրապարակվելուց հետո մինչեւ աճուրդին նախորդող օրվա ժամը 16:00-ն ընկած ժամանակահատվածում:

Աճուրդին մասնակցելու ցանկություն ունեցող անձինք վճարում են մասնակցության վճար եւ նախավճար, որոնք կազմում են տվյալ լուտի մեկնարկային գնի համապատասխանաբար 1 (ոչ ավել քան 200,000 ՀՀ դրամը) եւ 5 տոկոսները: Մասնակցության վճարը եւ նախավճարը ենթակա են վճարման Արմեն Վալերիի Սկրտչյանի սնանկության գործով թիվ 248010334030000 «ԱՐԴՇԻՆԲԱՆԿ» ՓԲԸ հատուկ հաշվին՝ մինչեւ աճուրդի մասնակցության հայտ(եր)ը ՀՀ սնանկության դատարան ներկայացնելը:

Սույն հայտարարությամբ նախատեսված աճուրդի օրը կարող է փոխվել եւ/կամ հետաձգվել՝ այդ մասին աճուրդի օրվանից ոչ պակաս երեք օր առաջ համապատասխան հայտարարություն կատարելու միջոցով:

Աճուրդն անցկացվելու է բաց դասական (գնի ավելացման) եղանակով, հետեւաբար աճուրդում հաղթող է համարվում առավել բարձր գին վճարող մասնակիցը:

Աճուրդում հաղթող ճանաչվելու դեպքում, լուտի արժեքը ենթակա է վճարման աճուրդն անցկացնելու օրվանից 10 (տասը) օրյա ժամկետում սնանկության հատուկ հաշվին լուտի գնման գինը՝ հաշվանցելով նախօրոք վճարած նախավճարը:

Աճուրդում հաղթող համարվող անձի հետ առավաճառքի պայմանագրի կնքման, դրանից ծագող իրավունքների պետական գրանցման, գույքը գնորդին փոխանցելու եւ պայմանագրից բխող բոլոր անհրաժեշտ ծախսերը ենթակա են կատարման աճուրդում հաղթող համարվող անձի կողմից:

Աճուրդի անցկացման, լուտի ծանոթացման եւ ուսումնասիրության համար դիմել սնանկության գործով կառավարիչ Մակար Եղիազարյանին (էլ. Փոստ՝ makar.yeg@gmail.com):

«ժողովուրդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ՓԱՌԱՏՈՆ

«ՈՍԿԵ ԾԻՐԱՆԸ» ՄԵԿՆԱՐԿՈՒՄ Է

Երեւանի «Ոսկե ծիրան» հորեյլանա- կան 20-րդ միջազգային կինոփառա- տոնն այս օրի սեղի կունենա հուլիսի 9-16-ը: Այս օրի եւս միջազգային կի- նոսոնը հանրությանը կներկայացնի մը- ցութային կինոնկարներ աշխարհի սար- բեր երկրներից, ինչպես նաեւ «Երեւան- յան դրեմիերաներ» ծրագրով կցու- ցադրվեն ֆիլմեր ամենահեղինակավոր (Կաննի, Բեռլինի, Վենետիկի եւ այլն) կինոփառատոներից: Հայաստան կժա- մանեն կինոյի համաշխարհային դեմ- քեր, որոնք իրենց փորձն ու արվեստը կներկայացնեն կինոսերներից:

«Ոսկե ծիրան»-ը այս տարի նշում է ստեղծման 20-րդ հորեյլանը: Բացի այդ, այս տարի նշվում է հայ կինոյի 100-ամյա- կը, եւ փառատոնն առանձնահատուկ անդրադարձ կունենա այդ երկու հորեյ- յաններին:

Փառատոնի բացման հանդիսավոր արարողությունը կկայանա հուլիսի 9-ին Կ. Դեմիրճյանի անվան մարզահամերգա- յին համալիրում: Երեւանի կինոյի տունը եւ «Մոսկվա» կինոթատրոնը փառատոնի անցկացման հիմնական վայրերն են: Ավանդական ռանդեվուները կանցկաց- վեն ՅԲԸՄ-ում:

Փառատոնի բացումը կազդարարվի ռե- ժիսոր Զեսիկա Վուդվորթի «Լուկա» (Բել- գիա, Իտալիա, Նիդերլանդներ, Բուլղա- րիա, Հայաստան) ֆիլմով, որի պրեմիե- րան կայացել է Ռոտտերդամի փառատո- նում: Ֆիլմում Զեսիկայի Չապլինի հետ գլխավոր դերերից մեկը կերտել է դերա- սան Սամվել Թադևոսյանը:

Փառատոնի փակմանը կցուցադրվի կա- նադահայ ռեժիսոր Արոմ Էդոյանի «Օրա- ցույցը» ֆիլմի նոր գունաշտված տարբե- րակը՝ ֆիլմի ստեղծման 30-ամյակի առ- թիվ:

Փառատոնին կցուցադրվեն երկու տասնյակից ավելի հայկական ֆիլմեր՝ տարբեր անվանակարգերում, որոնց զգա- լի մասը ստեղծվել են Հայաստանի ազգա- յին կինոկենտրոնի աջակցությամբ, այդ թվում բացման ֆիլմը: Կներկայացվի նա-



եւ հայ կինոյի 100-ամյակին նվիրված հա- տուկ ծրագիր:

Փառատոնի շրջանակում տեղի կունե- նա իրանական կինոյի նշանավոր վար- պետներից մեկի՝ Սամուել Խաչիկյանի ֆիլմերի առաջին հետահայաց ցուցադ- րությունը Հայաստանում:

Փառատոնի լիամետրաժ մրցույթի ժյու- ռիի կազմը գլխավորում է Վենետիկի կի- նոփառատոնի «Ոսկե առյուծի» դափնե- կիր, ֆիլիպինցի ճանաչված ռեժիսոր Լալ Դիասը: «Կորիզ» կարճամետրաժ մրցու- թային ծրագրի ժյուրիի նախագահն է օս- կարակիր պրոդյուսեր Զեդեմի Թումասը:

Փառատոնի պատվավոր հյուրերից են Կաննի կինոփառատոնի «Ոսկե արմավե- նու» ճյուղի կրկնակի դափնեկիրներ Դար- դեն Երջայրները, ինչպես նաեւ Լոկառոնոյի կինոփառատոնի «Ոսկե հովազի» դափնե- կիր, պրոտուզավազի ռեժիսոր Պետրո

Կոշտան, որը փառատոնի ընթացքում կանցկացնի հատուկ աշխատարան «Կո- ռիզ» կարճամետրաժ մրցութային ծրագրի ֆիլմերի հեղինակների հետ:


Փառատոնի հատուկ հյուրերից են Կան- նի կինոփառատոնի «Հատուկ հայացք» ծրագրի գլխավոր մրցանակակիր, դա- զախաստանցի ռեժիսոր Սերգեյ Դվորցեւո- յը, Կաննի կինոփառատոնի հետխորհր- դային տարածաշրջանի գլխավոր խորհր- դատու ժոել Շապրոնը:

Կինոփառատոնի Gaiff Pro կրթական եւ արտադրական հարթակը, որը, ինչպես միշտ, կանցկացվի փառատոնի օրերին, առաջին անգամ կաջակցի ոչ միայն լիա- մետրաժ, այլեւ կարճամետրաժ կինոյին:

Փառատոնն անցկացվում է ՀՀ ԿԳՄՍ նախարարության աջակցությամբ: Երեւա- նի քաղաքապատերաճը փառատոնի գլ- խավոր հովանավորն է:

ԱՇԽԱՐՀ

ՆՈՐ ՀԱՄԱԶԳԵՄՏ



Իսպանիայի փոխչեմպիոն Մարիոյի «Ռեալը» ներկայացրել է նոր համազ- գեստը, որով հաջորդ մրցաշրջանում կանցկացնի տնային հանդիպումները: Արքայական ակումբի տեխնիկական հովանավորը Adidas ընկերությունն է:

YouTube-ի ՆՈՐ ԹԱՐՄԱՅՈՒՄԸ

YouTube վիդեոհոսթինգը պարզեց- րել է գործընկերային ծրագրին (Youtube Partner Program) մասնակցե- լու պայմանները, որը թույլ է տալիս գու- մար վաստակել տեսանյութերում գո- վազդի եւ այլ գործընկերի միջոցով այս մասին հայտնում է The Verge-ը:

Այժմ Youtube Partner Program-ին մի- անալու համար բավական է ունենալ 500 բաժանորդ եւ 3000 ժամ դիտում վերջին 12 ամիսների ընթացքում: Նախկինում այս ցուցանիշները համա- պատասխանաբար կազմում էին 1000 բաժանորդ եւ 4000 ժամ դիտում:

Բացի դրանից, YouTube-ն իջեցրել է TikTok-ի հետ մրցակցող Shorts տեսա- յույթերի դրամայնացման ծրագրին հա- սանելիություն ունենալու շեմը: Այժմ բավական է վերջին 90 օրվա ընթաց- քում 3 միլիոն դիտում հավաքել, մինչ- դեռ նախկինում պահանջվում էր 10 մի- լիոն դիտում:

Նոր կանոնները շուտով ուժի մեջ կանեն հիևզ երկրում ԱՄՆ-ում, Մեծ Բրիտանիայում, Կանադայում, Թայվա- նում եւ Հարավային Կորեայում: YouTube-ը նախատեսում է ապագայում դրանք ընդլայնել այլ տարածաշրջան- ներում:

Ավելի վաղ պարզ էր դարձել, որ YouTube-ն այլևս թույլ չի տա տեսա- յույթեր դիտել, եթե տվյալ օգտատիրոջ բրաուզերում տեղադրված է գովազդն արգելափակող ծրագիր, օրինակ՝ AdBlock-ը: Նման արգելափակում հայտնաբերելու դեպքում ծառայությու- նը թույլ չի տա դիտել տեսանյութը եւ կտեղեկացնի, որ նման տեխնոլոգիա- ների օգտագործումն անթույլատրելի է:

Մայիսին տեղի ունեցած YouTube Brandfast ամենամյա միջոցառման ժա- մանակ Google-ը հայտարարել էր, որ գովազդային նոր ձեւաչափ է գործար- կում. այսուհետ խելացի հեռուստա- ցույցներում YouTube հավելվածից օգտվողներին կցուցադրվի 30 վայրկ- յան տեւողությամբ գովազդային տե- սանյութեր՝ առանց դրանք բաց թողնե- լու հնարավորությամբ:

ՀՆԱՐԱՎՈՐՈՒԹՅՈՒՆ

ԿՏԱՎՆԵՐ՝ ՇՈՇԱՓԵԼՈՒ ՀՆԱՐԱՎՈՐՈՒԹՅԱՄԲ

«Խոսող կսավներ» ներառական մա- յազգծի օրջանակում ժողովրդական խն- դիրներ ունեցող մարդիկ հնարավորու- քյուն կունենան «Տեսել» Մաքսիոս Մարյանի 6 կսավ:

«Սարեր» մշակութային կազմակերպու- թյունն ու Մարտիրոս Մարյանի տուն-թան- գարանը հնարավորություն կընձեռեն դիպչել թանգարանի հավաքածուի ցու- ցանմուշների պատճեններին եւ թույլ կտան զուգահեռաբար ունկնդրել, թե ինչ է պատկերված տվյալ նկարներում: Ծրագրի պաշտոնական բացման արարո- ղությունը կկայանա հունիսի 30-ին Մար- յանի տուն-թանգարանում:

Ցանկացած թանգարանում արգելված է դիպչել ցուցանմուշներին, մինչդեռ հենց շրջափելիքի զգայարաններն են ծառա- յում տեսողության խնդիրներ ունեցող մարդուն որպես պատուհան, որից նա տեսնում է աշխարհը: «Խոսող կտավներ» ներառական նախագծի նպատակը տեսու- ղության խնդիրներ ունեցող մարդկանց



բարձր արվեստի աշխարհ ներգրավելն է: Ծրագրի շրջանակում ստեղծվել են թան- գարանի հավաքածուից 6 գլուխգործոցի շրջափելի կրկնօրինակներ՝ «Պանսո «Հայաստան»» (1964), «Արագած» (1925), «Կոստանդնուպոլսի շները» (1910), «VII դարի Կարմրավոր եկեղեցին. Աշտարակ» (1956), «Դեպի աղբյուր» (1928), «Երեւան-

յան բակը գարնանը» (1928): Շոշափելի նկարը կտալի ռելիեֆային պատկերն է, որը պատրաստվում է հիպոալերգեն պլաստիկից: Շոշափելի պատճենը տեսու- ղության խնդիրներ ունեցող մարդուն թույլ է տալիս զանազանել նկարում պատկեր- ված հերոսների դիմազներն ու հագուստը, բնապատկերի դետալները:

● Հունիսի 16-ին Գ. Սուևդուկյանի անվան ազգային ակադեմիական թատրոնում տեղի կունենա «Մու- սա լեռան 40 օրը» ներկայացումը: Տոմսերի արժեքը՝ 1000-3000 դրամ: Սկիզբը՝ ժամը 19:00-ին:



Էջը՝ ՍՅՈՒՆԷ ՀԱՄԱՐՈՂՈՒՄՅԱՆԻ

ԲՈՂՈՔ

ՀԱՐՑ. Քանի՞ օրում կսահման հարկադիր ուղարկված իմ բողոքի դասասխանը:
Գեղամ Գալստյան (55 տարեկան)



ՊԱՏԱՍԽԱՆ. Ծառայությունում ստացված դիմումների, բողոքների կամ հարցումների պատասխանների տրամադրման ժամկետը կարող է լինել տարբեր՝ կախված դիմումի բովանդակությունից:

«Տեղեկատվության ազատության մասին» ՀՀ օրենքի համատեքստում ներկայացվող տեղեկատվություն տրամադրելու վերաբերյալ գրավոր հարցման պատասխանը տրվում է հետեյալ ժամկետներում.

1) Եթե գրավոր հարցման մեջ նշված տեղեկությունը հրապարակված չէ, ապա դրա պատճենը դիմողին է տրվում հարցումն ստանալուց հետո՝ 5-օրյա ժամկետում,

2) Եթե գրավոր հարցման մեջ նշված տեղեկությունը հրապարակված է, ապա տվյալ հրապարակման միջոցի, վայրի եւ ժամկետի մասին տեղեկությունը դիմողին է տրվում հարցումն ստանալուց հետո՝ 5-օրյա ժամկետում,

3) Եթե գրավոր հարցման մեջ նշված տեղեկությունը տրամադրելու համար անհրաժեշտ է կատարել լրացուցիչ աշխատանք, ապա այդ տեղեկությունը դիմողին է տրվում դիմումն ստանալուց հետո՝ 30-օրյա ժամկետում, որի մասին հարցումը ստանալուց հետո՝ 5-օրյա ժամկետում, գրավոր տեղեկացվում է դիմողին՝ նշելով հետաձգման պատճառները եւ տեղեկությունը տրամադրելու վերջնական ժամկետը:

ՀՀ հարկադիր կատարումն ապահովող ծառայություն

«ԺՈՂՈՎՈՒՐԳ». Հարկադիր կատարումն ապահովող ծառայության կողմից վարչական վարույթի հարուցման հիմք հանդիսացող դիմումների կամ բողոքների հիման վրա հարուցված վարչական վարույթն ավարտվում, եւ վարչական ակտը կայացվում է դիմումի ներկայացման փաստով վարչական վարույթի հարուցումից հետո՝ 30-օրյա ժամկետում, բացառությամբ օրենքով նախատեսված հիմքերով վարչական վարույթի ժամկետի երկարաձգման դեպքերի:

Հարկադիր կատարողի կողմից որոշակի որոշման կայացման հիմք հանդիսացող փաստական հանգամանքներ եւ/կամ ապացույցներ ներառող դիմումների ներկայացման դեպքում հարկադիր կատարողի կողմից այդ դիմումի հիման վրա համապատասխան որոշումը կայացվում է դրա համար հիմք հանդիսացող հանգամանքները հարկադիր կատարողին հայտնի դառնալու (դիմումը ստացվելու) օրվանից եռօրյա ժամկետում, եթե օրենքով ավելի կարճ ժամկետ նախատեսված չէ:

ԲԱՆԿԱՅԻՆ ՀԱՄԱԿԱՐԳ

ՀԱՐՑ. «Էվոկա»-ում դաւրսասոմսերի գրավով վարկ վեցնել կարո՞ղ եմ:
Լիլիթ Միքայելյան (26 տարեկան)



ՊԱՏԱՍԽԱՆ. Այո, կարող եք: Ինչպես եւ ավանդի դեպքում, պարտատոմսերի դեպքում եւս կարելի է պարտատոմսերի գրավով վերցնել կարճաժամկետ վարկ:

«Էվոկա» բանկ

«ԺՈՂՈՎՈՒՐԳ». Վարկը տրամադրվում է առավելագույնը պարտատոմսի մարման ժամկետով՝ պարտատոմսի արժեկտրոնային տոկոսադրույք՝ +2%, այսինքն՝ ՀՀ դրամով՝ 12%, ԱՄՆ դոլարով՝ 7.5% տարեկան անվանական տոկոսադրույքով:

ԼՈՒՐ ԿԱԴՐ

Լուսանկարն արվել է Երեւանում



Երեւանում Էրեբունի վարչական շրջանի գլխավոր մայրուղու վրա գտնող Երթուղիների սպասարարի գտնվում է անբարեկարգ վիճակում: Քաղաքացիները չեն կարողանում նստել:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
 Բաժանորդագրվելու
 համար կարող եք դիմել

«Հայմամուլ» ՓԲԸ
 հեռ. 45-82-00, 45-19-11

«Հայփոստ» ՊՓԲԸ
 հեռ. 51-45-46, 51-45-47

«Բլից-Մեդիա» ՍՊԸ
 հեռ. 52-5301

Առաքումը՝ **ԱՆՎՃԱՐ**:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադառնանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետեյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____

Ազգանուն՝ _____

Առաքման հասցե՝ _____

Բջջային եւ/կամ քաղաքային հեռախոս՝ _____

Հեռ.՝ (060) 490049

0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



Շիրակ	+ 5 + 10 +19 + 23	Արարատ	+15 + 18 +26 + 28
Կոտայքի լեռներ	+ 5 + 9 +19 + 22	Արմավիր	+14 + 16 +26 + 28
Կոտայքի նախալեռներ	+13 + 15 +23 + 25	Վայոց ձորի լեռներ	+ 7 + 10 +18 + 21
Գեղարքունիք	+7 + 10 +19 + 22	Վայոց ձորի նախալեռներ	+15 + 18 +26 + 28
Լոռի	+7 + 12 +19 + 22	Սյունիքի հովիտներ	+15 + 19 +25 + 29
Տավուշ	+10 + 15 +22 + 25	Սյունիքի նախալեռներ	+ 2 + 12 +18 + 21
Արագածոտնի լեռներ	+ 5 + 9 +18 + 22	Արցախ	+15 + 19 +25 + 28
Արագածոտնի նախալեռներ	+12 + 15 +22 + 26	Երեւան	+16 + 19 +25 + 27

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
 Հասցեն՝ ք. Երեւան, Աբովյան 22՝/3, հեռ՝ 010 54-64-23
 Պետական գրանցման վկայականի համարը՝ 03Ա089086
 տրված է 24.11.2010
 Ստորագրված է տպագրության 14.6.2023

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում
 խմբագրություն հանձնված նյութերը չեն գրայնաչափում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետեյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: